



UNIVERSITÄTS-
BIBLIOTHEK
PADERBORN

Universitätsbibliothek Paderborn

Manuale, seu Institutio Sacerdotum, Ex Divinis Litteris Et Veterum Patrum Disciplina

**Torres, Alfonso de
Ingolstadii, 1604**

VIII. De ceremoniis in genere.

[urn:nbn:de:hbz:466:1-48973](https://nbn-resolving.org/urn:nbn:de:hbz:466:1-48973)

CAPVT VIII.
DE CÆREMONIIS
IN GENE.

SVMMARIVM.



BENEDICVNTVR à Domino Cæremonias
obseruantes. 1.

In custodiendis illis cura multa adhiben-
da. 2.3.

Ab ipsis Apostolis Cæremoniæ externæ emanarunt, &
quæ inuenta. 4. 5. 6.

Multarum Cæremoniarum significatio nobis obscu-
ra. 7.

Illæ tamen, quantumlibet ignoræ, venerandæ. 8.

Qui receptos Ecclesiæ Catholicæ ritus in Sacramento-
rum administratione contempserit anathema sit. 9.

1 BENEDICENTVR in semine tuo omnes gentes
terræ, eo quod obedierit Abraham voci meæ,
& custodierit præcepta & mandata mea, & cære-
monias legesque seruauerit. Gen. 26.

2 Obserua custodias Domini Dei tui, vt ambules
in viis eius, vt custodias cæremonias eius, & præ-
cepta, &c. 3. Reg. 2.

3 Filii hominis pone cor tuum, & vide oculis tu-
is, & auribus tuis audi omnia, quæ ego loquor ad
te de vniuersis cæremoniis Domus Domini, &c.

Sacer-

Sacerdotes autem & Leuitæ filij Sadoc, qui custodierunt cæremonias sanctuarij mei, cum errarent filij Israëli à me, ipsi accedent ad me vt ministrent mihi: & stabunt in conspectu meo, &c. *Ezech. 44.*

Ab ipsis Apostolis cæremoniæ externæ emanarunt, & quare inuentæ.

NECESSARIO primi illi Sacerdotalis muneris 4 duces, cum ex summa, supersubstantialique Deitate ipsi sancti muneris plenitudinem percepissent, & id ipsum deinceps proferre, & propagare à diuina bonitate missi essent, ipsique (vt qui transissent in Deum) posteros ad diuina prouehere affatim cuperent, visibilibus signis cœlestia Sacramenta texerunt, varietateq; ac multitudine, quod vnicum est collectum, tradiderunt; & in humanis imaginibus res diuinas, materialibusque figuris spiritualium maiestatem; atque in iis, quæ nobis sunt familiaria, summa illa & supersubstantialia partim scriptis, partim non scriptis institutionibus suis, iuxta quod sacræ definiunt leges, nobis tradiderunt. Non modo profanæ multitudinis causa, cui ne ipsa quidem fas est signa contingere; verum ob id quoque, quod hæc nostra sacratissima functio significatiua est, plenaque, vt dixi, signis, pro modo & ratione captus nostri, indigetque visibilibus figuris, quibus veluti adminiculis ad eorum augustiorem intelligentiam subuehamur. *S. Dionys. de Eccles. Hier. c. 1. post medium. Concil. Trident. Sess. 22. c. 5. S. Aug. contra Manich. lib. 19. c. 11.*

Quare

Quare diuina per similitudines visibiles tradantur.

- 5 DIVINA hominibus manifestari non possunt nisi sub aliquibus similitudinibus sensibilibus: ipse autem similitudines magis mouent animum, quando non solum verbo exprimuntur, sed etiam sensui offeruntur. Et ideo diuina traduntur in scripturis non solum per similitudines verbo expressas, sicut patet in metaphoricis locutionibus, sed etiam per similitudines rerum, quæ visui proponuntur; quod pertinet ad præcepta caeremonialia. *S. Thom. 12. q. 99. art. 3. ad 3. ex eodem S. Dionysio.*

De eodem, ex Apostolica traditione.

- 6 CVM natura hominum ea sit, vt non facile queat sine adminiculis exterioribus ad rerum diuinarum meditationem sustolli, propterea pia mater Ecclesia ritus quosdam, vt scilicet quædam submissa voce, alia vero elatiore, in Missa pronuntientur, instituit. Cæremonias item adhibuit, vt mysticas benedictiones, lumina, thymiamata, vestes, aliaque id genus multa ex Apostolica doctrina, & traditione, quo & maiestas tanti sacrificij commendaretur, & mentes fidelium per hæc visibilia religionis, & pietatis signa ad rerum altissimarum, quæ in hoc sacrificio latent, contemplationem excitarentur. *Concil. Trident sess. 22. c. 5. S. August. de lib. arb. c. 10.*

Multa.

Multarum cæremoniarum, & rituum significatio nobis obscura.

PLURIMA ex his, quæ ignoramus, causas habent 7
dignissimas nobis quidem ignotas, verum præ-
stantioribus ordinibus cognitæ. Complura item
summas illas, altissimasque substantias latent, so-
lique sapientissimæ, ac sapientiæ doctori, diuini-
tati nota sunt. *S. Dionysius. de Eccles. hierarch. cap. I.
& fin.*

Ceremoniæ, & signa etiam ignota vene-
randa: & quid in illis.

SUB signo servit, qui operatur. ac veneratur ali- 8
quam rem significantem, nesciens, quid signifi-
cet, Qui vero aut operatur, aut veneratur vtile si-
gnum diuinitus institutum, cuius vim, significa-
tionemq; intelligit, non hoc veneratur, quod vi-
detur, & transit, sed illud potius, quo talia cuncta
referenda sunt. Qui autem non intelligit, quid si-
gnificet signum; & tamen signum esse intelligit,
nec ipse premitur seruitute. Melius est autem,
vel primi incognitis, sed vtilibus signis, quam in-
utiliter ea interpretando a iugo seruitutis edu-
ctam cervicem laqueis erroris inferere. *S. Augu-
stinus de doctrina Christiana lib. 3. cap. 9. Orig. hom. 5.
in Num.*

Qui

Qui ritus Ecclesiæ approbatus in Sacra-
mentorum administratione contem-
pserit, &c. anathema sit.

9 *Vt supra cap. 5. de Sacramentorum administratione,
cap. si quis dixerit. n. 5.*



PARS